



Protocol dalla radunonza generala dil CHOR SURSELVA

sonda, ils 17.09.2005 allas 19.30 uras ella casa pervenda a Glion

Tractandas:

1. Beinvegni
2. Appel ed elecziun da dus dumbravuschs
3. Revisiun dallas statutas
4. Protocol
5. Rapport annual dil president
6. Rapport annual dil dirigent
7. Rendaquen
rapport dils revisurs ed approbaziun dil quen annual
8. Recepziun da novas commembras e novs commembers / demissiuns
9. Elecziuns
10. Program da lavur per 2006/2007; orientaziun ed approbaziun
11. Contribuziun annuala
12. Propostas per activitads dil chor sper il cant
13. Varia

1. Beinvegni

Il president Tarcisi Cavigelli fa in cordial beinvegni als presents tier la radunonza generala dil Chor Surselva. La radunonza vegn tenida sco usitau per romontsch. Igl ei aschia che nies chor ei buca uffical in chor romontsch, mobein ils biars da noss/As cantadur/As tschontschan romontsch. Nus schein regier cheu la filosofia dalla bilinguitad e discurren aschia, che nus capin in l'auter.

Perstgisau per quella sera han:

Roland Vincenz, Renata Cathomas, Vreni Caprez, Regina Caminada, Petra Spescha-Riedi, Adrian Deflorin, Hugo Schär, Verena Uetz, Michael Maissen, Ervin Gienal, Veronica Vincenz, Giuliana Gienal, Teo Riedi, Anny Tuor, Duri Foppa, Pascale Flury, Simona Gienal, Gaudenz Coray, Elisabeth Coray e David Giger

2. Appel ed elecziun da dus dumbravuschs

Tenor gliesta ein 33 cantaduras e cantadurs presents. Sco dumbravuschs vegnan Fidel Lutz e Cecilia Cadruvi proponi ed elegi.

3. Revisiun dallas statutas

Nus havein fatg ina revisiun totala igl onn vargau, aschia che quella causa ei rugalada.

4. Protocol

Il protocol ei vegnius publicaus sin nossa homepage e vegn buca prelegius. La protocolista Marlies Vincenz metta il protocol sil projectader e repassa cuortamein punct per punct. Ella prelega era la notizia d'actas dils 31 d'october 2004. Tier omisdus protocols dat ei neginas damondas. Ils protocols vegnan approvai cun in applaus.

5. Rapport annual dil president

Nies president prelegia siu rapport nua ch'el dat detagliadamein sclariment ed informaziun sur dil curriu e passau digl onn vargau.

6. Rapport dil dirigent

Rest Giusep Tuor engrazia a tuttas cantaduras e tuts cantaturs per igl engaschament digl onn vargau. El ha giu tschaffen, da cantar cun nus si Triel. Deplorablamein ein buca schi biars stai si leu a cantar. El giavischass tier quellas occasiuns ina pli gronda partizipaziun.

Ils concerts da Nadal stattan avon esch. Il cerchel musical dalla Surselva ei partenari da nos concerts. Nus partin tut ils cuosts e tut las entradas. In concert vegn a cuzzar ca. 1 $\frac{1}{4}$ ura. Per il beingartegiar drova ei tut l'energia da mintgin. Mo cun la presenza fisica eisi buca fatg. Ei drova era la presenza spirtala da mintgin. Nies dirigent giavischa in partecipaziun da 120 %! El ha denton in bien sentiment per ils concerts. Las canzuns entscheivan plaunsiu a sefurmar, el selegra sils concerts.

Il dirigent appelescha aunc a mintgin da far patratgs sco recaltgar pli bia umens per nies chor. Cun aunc pli paucs umens eisi buca pli pusseivel da direger in chor.

El engrazia zun fetg a tuts che han luvrau vil il cudischet da cant. El ha grond tschaffen da cantar cun nus ord quei cudischet.

El ha grond plascher da luvrer cun ina societad che lavura e conta bugen. El engrazia a tuts per igl engaschi e giavischa a tuts ina biala sera.

7. Rendaquen, rapport dils revisurs ed approvaziun dil quen annual

Nossa cassiera Barbara De Giorgi presenta il quen annual e dilucidescha las differentas posiziuns detagliadamein. Ella presenta il quen visualmein sin folia. Il

quen muossa entradas da frs. 21'154.- ed extradadas da frs. 18'157.- Actualmein ha il chor ina facultad da frs. 46'579.-

Il lotta annual empleina adina in bien ton nossa cassa. Tuts han in grond meret dil success finanziel dil lotto. In special engraziament ad Anita Cavegn e Sep Blumenthal. Els survegnan in grond applaus persunter.

Ils revisurs Teo Riedi e Claudine Cavegn dattan giu rapport. Els han controllau il quen annual dalla perioda dils 01.09.2004 entochen ils 31.08.2005. Els han controllau las taxas annualas, quittanzas e mussaments dil traffic cun la banca. Els saldis dils contis canstattan cun las cefras mussadas avon el quen annual.

La revisura Claudine Cavegn propona alla radunonza generala d'approbar il quen annual 2005 cun in grond engraziament a Barbara De Giorgi per sia gronda premura da menar atras la cudischaziun correcta e schubra.

Suenter presenta Barbara De Giorgi aunc il preventiv per igl onn 2005 / 2006. Il preventiv muossa entradas da frs. 19'000.- ed extradadas da frs. 17'800.- cun in recav da frs. 1'200.-

8. Recepziun da novas commembras e novs commembers / demissiuns entradas:

Il president beneventa dus novs commembers en nies miez. Duri Foppa da Laax e Pascale Flury da Flem.

Demissiuns: Sara Blumenthal e Teo Riedi ein extrai ord il chor. Trudy Nay e Giuseppina Auchter contan aunc ils concerts da Nadal cun nus. Suenter extreschan els medemamein ord il chor.

Deplorablamein havein stuiu prender cumiau da nies anteriur commember Mathis Caprez-Spreiter. Nus giavischein ad el il ruas perpeten e commemorein ad el cun ina minuta da silenzi.

9. Elecziuns

Uonn sto la cassiera vegnir elegida per ina nova perioda d'uffeci. Nossa cassiera Barbara De Giorgi vegn reelegida cun in grond applaus.

Demai che nies revisur Teo Riedi ei extraus ord il chor, stuein medemamein eleger in niev revisur da quen. Michael Maissen vegn proponius ed elegius cun in grond applaus.

10. Program da lavur per 2006 / 2007; orientaziun ed approbaziun

Il president presenta il program per igl onn da cant 2006/2007.

- Concerts da Nadal: Els concerts da Nadal han liug il december 2005 tenor plan.

- Registraziun d'in concert da Nadal: il Radio Romontsch vul far ina registraziun dad in da nos concerts.
- Scolaziun da vusch: Rest ha fatg ina gliesta nua che mintgin sa scriver en cu el vul cantar e cun tgeinina vuscha ch'el cantass bugen. Ei dat gruppas da 4 persunas e differents termins. NeginA ei denton sfurzaus da far quella scolaziun da vusch. MintginA paga sez quella scolaziun cun frs. 20.00 l'ura. La scolaziun cuozza 8x45 minutas. La gliesta vegn publicada sin nossa homepage.
- Fiasta da cant cantunala a Cuera ils 17/18 da zercladur 2006: Nies chor ei annunziaus provisoricamein per dus dis senza giudicament. Rest fa la proposta dad ir alla fiasta da cant cun ina cuminonza da chors (Sumvitg, Laax e Surselva). Ils arguments per l'idea nunusitada da Rest ein: nies chor ei buca memia ulivaus ellas vuschs, el vesa ina fiasta da cant sco fiasta e buca sco febra da cant, far ina fiasta da cant pli attractiva per ils cantadurs, far quella refurma dalla basa ensi per sluccar l'atmosfera dalla fiasta.
El less presentar in'ovra da Carmina Burana cun accumpignament da clavazin en ina furmaziun pli gronda. Dall' comité d'organisaziun havein survegniu la proposta d'embellir la messa dalla dumengia.
- Votaziun da principi dad ir alla fiasta: 31 gie, 2 abstenziuns
- Cantar giu Turitg sin invitaziun da Pader Clau Lombriser ils 2 d'avrel 2006

11. Contribuziun annuala

La suprastanza fa la proposta da schar la contribuziun annuala sin frs. 100.- Tuts ein cuntents cun quella proposta.

12. Propostas per activitadas dil chor sper il cant:

- Lotto: Per che nies preventiv seigi ulivaus ora lein puspei menar atras in Lotto. Tuts ein cuntents cun quella proposta. Il datum vegn fixaus sils 04.03.2006. Per ils premis ei Manuel Lombris responsabels. In grond engraziament ad el gia ordavon per quella gronda lavur. Sep Blumenthal ha puspei l'entira organisaziun sco usitau.
- Cantar si Triel: Reto Jost ha puspei dumendau da vegnir a cantar si Triel.
- Cantar a S.Barbara a Sedrun ils 4 da december 2005: La risposta definitiva vegn per il davos da settember.
- Cantar en Tiaratudestga: Marlies Vincenz ei vidlunder da sclarir las pusseivladads.
- Sessiun d'atun 2006 a Flem: Marlies ha deponiu il giavisch da cantar tier Duri Blumenthal.

Autras propostas dalla radunonza:

- Cantar tier ina concorrenza da cant egl exterior.
- Far in viadi per guder il cant.

13. Varia

- L'orientaziun dils commembers per l'occurenza si Triel ha buca funcziunau optimalmein. Igl ei buca adina sempel d'orientar tuts a cuorta vesta. La suprastonza dat bregia d'anflar ina via da comunicaziun era per quels che han buca email.
- Sche enzatgi ei buca staus ad in exercezi duei mintgin s'informar sez tgei ch'ei stau la davosa gada.
- Bandiera: Lucrezia haveva discurreu avon in per onns cun Tomas Mirer per evtl. schar elavurar ina bandira per nus. Sep ha discurreu da cuort cun Tomas Mirer en caussa. Quei seigi aunc pendent tier els.
- Maletg empalont: Ina proposta d'in maletg empalont ei sin nossa pagina. Quei vegn tractandau per en in onn.
- Novs umens per nies chor: Mintgin duei far patratgs sco recaltgar novs cantadurs.
- Cadeina da telefon, per mintga vusch ina persuna responsabla:
Sopran: Lucrezia Berther
Alt : Pia Blumenthal
Tenor: Erwin Gienal
Bass: Gion Balzer Casanova
- Plaid clav per nossa pagina: il niev cavazzin per nossa pagina d'internet ei: „sopran“.
- Il protocol da questa radunonza generala vegn publicaus sin nossa pagina d'internet sut „intern“.
- Engraziaments: Il president engrazia a ses consuprastonts Sep Blumenthal, Barbara De Giorgi, David Giger e Marlies Vincenz per lur grond engaschi. Els han adina ina'ureglia aviarta per tuttas damondas e problems. Mintgaton dat ei discussiuns detg hanadas denton era fetg interessantas. El engrazia a tuts presents e tuttas presentas, al dirigent, la vicedirigenta, la suprastonza, la cummisiun da cant, ed a finadinA che ha segidau sin ina moda ni l'autra per il beingartegiar da nies bi hobby da cant.
- Tscheina: Suenter la radunonza ein tuts envidai en ad in puschegn che ei vegnius organisaus d' Anita Cavegn. Ei dat suppa da giutta e suppa da zetgas alla Renata Gienal. Engraziel era allas dunnas che han fatg las bunas pettas.

Fin dalla radunonza: las 21.45 uras

Vella, ils 19.09.2005

L'actura

Marlies Vincenz